

.xliv. OMELIA IN NATALE SANCTI PETRI APOSTOLI .

DE sancto petro apostolo . primo et principe apostolorum . hodie nos oportet loqui fratres karissimi et recitare nec non et predicare . quia quondam piscator et retifer pro penuria conditionis sue et necessitatis fuerat . Nunc autem regni caelestis clauicularius est et hominum piscator . sicut in electione eius siue uocatione et ceterorum dicitur . Uenite post me . et faciam uos fieri pisces hominum . Quoniam sicut pisces ex profundo aquarum per hamum¹ et retia trahuntur a terram² et in usum hominum postea habentur . Ita christus per potentiam maiestatis suae et apostolorum predicationem homines qui in mundo sunt ex profundo ;

/102v/ Id est de ore leonis et de potestate diaboli et ex gentilitatis errore extraxit . atque secum deduxit ad caelestia regna . sicut ante passionem domini legimus . Hos duodecim mississe iesus predicare in mundo . Et post resurrectionem eius ex mortuis iterum dixisse eis . Ite in uniuersum mundum et predicate euangelium omni creature ; Id est omni homini in quo consistunt quatuor³ elementa mundi . Quorum quidem ut diximus petrus iste cuius hodie solemnitatem gerimus primus et princeps erat . quoniam nemo in fide et dilectione christi precellerat illum . sed ipse omnes anteibat . [.iii.] Et ideo in resurrectione christi extra numerum et ordinem discipulorum . Ab ipso domino et angelis eius reputatur et dicitur . Ite et annuntiate discipulis eius et petro . quia resurrexit et precedet uos in galileam . et ibi eum uidebitis sicut dixit uobis . Quis autem maior esset illo cui a christo dicitur . quando interrogabat discipulos suos de semetipso dicens . Quem dicunt homines esse filium

¹ hamum] *corr. from namum(?) by later scribe*

² letter erased between a and terram

³ qua-tuor] *corr. from quat-tuor*

hominis? At illi⁴ dixerunt . Alí⁵ iohannem baptistam . Alí
autem haeliam . Alí uero hierimiam . aut unum ex prophetis . Dixit
illis iesus . Uos autem quem me esse dicitis? Repondens simon
petrus dixit . Tu es christus filius dei uíuí . Respondens autem iesus
dixit ei . Beatus es simon bariona . quia caro et sanguis non reue
lauit tibi sed pater meus qui est in cęlis . Et ego dico tibi . quia
tu es petrus et super hanc petram aedificabo aecclesiam meam .
et portę inferi non preualebunt aduersus eam . et tibi dabo
clauēs regni cęlorum . Et quecumque ligaueris super terram . erunt
ligata et in caelis . Et quecumque solueris super terram . erunt soluta
et ín cęlis . Consideremus ergo fratres karissimi quam beatus est ille homo
et felix cui hoc a domino pre omnibus dicitur . Quodcumque damnaue
ris erit damnatum . et quodcumque liberaueris . erit saluatum .
/103r/ Ac sí dixisset ei iesus . Tu es primus apostolorum . tu congregabis eęcclesiam
meam super terram . Id est congregationem iustorum . et eris per me funda
mentum eius . et conplebis eam ín nomine meo . et porte inferi non
preualebunt aduersus eam . Id est íudei et heretici . quoniam híi sunt
portę inferi . per quos íntratur ín profundum inferni . et tibi dabo
clauēs regni cęlorum . Id est tibi dabo potestatem ín caelo et ín terra .
et committo tibi aperire thesauros sapientię et scientię per me
nunc usque a seculis absconditos . Quoniam sicut aperitur clausa et con
signata domus clauē . [vi.] Ita potestate orationis et predica
tionis tue ante omnes homines ín nomine meo credentes
aperies regna cęlorum . Et quoscumque satanas alligauerat ignoran
tia aut errore siue per primi hominis preuaricationem . aposto
lica potestate quam a me accepisti solues et sanabis . et ín cęlum
erunt soluti et sani . Ipse est igitur petrus comes et conscius .
domini ín mari et ín terra . et cum eo ambulauit super mare . Ipse
est pastor gregis dominici . et confirmator fratrem suorum .
sicut saluator ad eum dicit . Simon iohannis diligis me plus his?

⁴ later i added in pencil

⁵ Alí] corr. from Aliud

Et dicit ei . Domine tu scis . quia amo te . Et dixit ei . Pasce agnos meos .
Id est christianos . Et iterum . Ecce satanas expetúit uos ut cri
braret sicut triticum . Et ego rogauí pro te ut non deficiat
fides tua . et tu aliquando conuersus confirma fratres tuos .
Et iterum . [vii.] Assumpsit eum iesus cum iacobo et iohanne ín mon
tem seorsum . ut audirent uocem patris de nube testimonium
de filio perhibentis . tu es filius meus dilectus . ín quo bene con
placui . ipsum audite . Petrus autem dilectatus ín uisione
domini et splendore diuinę glorię . quibus clarificatus est iesus coram
ipsis ín monte . suprámódum satiatus dicebat . Domine bonum est
nos hic esse id est semper tecum habitare . et numquam terrena
/103v/ uidere . et facere hic tria tabernacula . tibi unum . moysi
unum . et hęlię unum . Considerate ergo fratres si hoc tantum petro
sufficiebat ad caelestę gloriam . omne seculum . et ea que in ipso
sunt . nusquam postea uidere . Quid dicemus de futuro seculo
[viii.] Ubi facie ad faciem dominum uidebimus ín dúínitate . et erimus
semper cum illo ín cęlesti gloria ; sed dominus noluit tunc semper esse
ín monte . quoniam descenderat de cęlo non ut faceret uolunta
tem suam . sed uoluntatem patris qui misit illum . Et uenit ín mun
dum non ut iudicaret eum . sed ut saluaretur . mundus per ipsum .
Veniente igitur eo de monte . obtulerunt ei paraliticum . et sana
uit eum . Et dixit petro . Vides petre . si essemus ut dixisti semper
ín monte : Id est si ad cęlum ante tempus crucis et passionis
et resurrectionis ut uoluisti ascenderemus . non utique cura
retur infirmus . id est non saluaretur genus humanum .
quod per me saluandum est ín cruce . Et tu petre . quomodo sal
uareris : quia te post trinae negationis culpam ego per
misericordiam destinaueram saluari et clarificari per crucem .
Sed haec omnia tibi acciderunt petre . mei causa . quia tu plus
alíis me dilexisti . Si enim fuisses cum ceteris apostolis . hoc tibi non
accedisset plusquam illis . Et ideo ut nebulam deleo íníquita

tem tuam . et peccatum tuum non memorabor amplius . et non solum hoc . sed ponam te primum et principem omnium apostolorum . Quoniam hoc ipsum quod me negasti non pro gulae concupiscentia et pecuniae thesauris sicut iudas scarioth . sed ex magnitudine mei amoris tibi accidit . Ed ideo non solum ut iam dixi non memorabor iniquitatem tuam . sed in omnem terram ut scriptum est de te et de similibus tuis exhibit sonus tuus . et in fines orbis terra uerba tua abibunt . et accipies spiritum paraclitum ueritatis .
/104r/ quem mittet tibi pater meus et fratribus tuis in nomine meo . Et eritis mihi testes fideles in hierusalem et in omni iudaea et samaria . et usque ad ultimum terrae . Et non solum hoc fiet uobis . sed etiam caecos inluminabis . mortuos suscitabis . infirmos⁶ curabis . Leprosos mundabis . claudis pedes restitues . demones eicies . et si in umbra tua adumbrauerit aliquis infirmus . sanus erit ab omni languore a quocumque tenebitur dolore . et in te compleo promissionem meam quam promisi quando uobiscum in corpore eram coram iudeis signa et mirabilia faciens . Et dixi . Amen dico uobis . si quis crediderit in me . non solum haec sed maiora horum faciet . et eris tu super clauas regni caelorum . Quoniam scio quod omnes reos . et crimosos . et peccatores . et scelestos . et gentiles . et non credentes auctori salutis aeternae . et adulteros . et fornicatores . et periuros . et peccata non poenitentes . et ceteros his similes alligabis et conculcabis . et erunt ligata et in caelis . Et iterum scio . Omnes iustos . et poenitentiam agere uolentes . misericordes . modestos . humiles . patientes . hospitalitatem sectantes . Sobrios . castos . et pios . et ab omnibus se malis continentis . per te esse saluandos . Et erunt hi in caelis soluti et sanati . et tu illorum eris dux in regno caelorum et princeps . Ac si hoc illi dixisset . Quantoscumque enim in hac uita positos conuerteris ad salutem . super tantos principatum accipies in futurum . et sedebis

⁶ infirmos] *corr. from* infirmos

super sedes duodecim . Iudicans duodecim tribus israel sicut de te et similibus tuis dictum est . Et haec tibi dabo quoniam me dilexisti multum . et in me fidem tenuisti nimium . Et ideo in caput et uerticem omnium sanctorum exaltabo te . et non solum hoc . sed etiam omnium gentium et iudaeorum pastorem te esse faciam . Et ideo nomen firmissimae petre imposui tibi quoniam tu eris ut dixi fundamentum /104v/ et stabilimentum aecclesie meae quam per te congregabo . Cuius ego sum caput et plenitudo⁷ . et uos et similes uestri membra mea . ut ubi ego sum . et uos sitis . Haec et his similia de sancto petro apostolo dixisse sufficiant . Sed uideamus nunc . quid aut quomodo predicauit iste beatissimus petrus . In quo erat spiritus sanctus quem ab omnipotenti deo per christum acceperat . Ait enim . Castigate fratres karissimi animas uestras ad obediendum deo in ueritate . et in fraternitate simpli ex corde puro uos in inuicem diligite . Quoniam omnis caro sicut fenum aruit . et omnis gloria eius sicut flos foeni decidit ; uerbum autem deum manet in aeternum . Et iterum dicit . Karissimi . Obsecro uos tamquam aduenos et peregrinos . abstinete uos a carnalibus desideris quae militant aduersus animam . Conuersationem uestram inter gentes habentes bonam . et omni humane creature subiecti estote . propter deum . Siue regi . quasi precellenti . Siue ducibus . tamquam ab eo missis⁸ ad uindictam malefactorum laudem uero bonorum . Et iterum . Omnes honorate . fraternitatem diligite . Deum timete . regem honorificate . Serui subditi estote . in omni timore dominis . Non tantum bonis et modestis . sed etiam discolis . Id est in disciplinatis . Haec est enim gratia apud deum . In hoc enim uocati sumus . quia christus pro nobis passus est relinquens nobis exempla . ut sequamur uestigia eius . Qui peccatum non fecit . nec dolus inuentus est . in ore eius . Qui cum malediceretur . non maledicebat . Cum pateretur non comminabatur . sed in humilitate omnia sustinebat . Et iterum dicit . Omnes unanimes in

⁷ *Four letters erased after plenitudo.*

⁸ *missis] corr. from misis by a later scribe*

oratione estote . fraternitatis amatores . misericordes . modesti . humiles . Non reddentes malum pro malo . uel maledictum pro maledicto . Sed e contrario benedicentes . quia in hoc uocati sum . ut benedictionem hereditate possideamus .

/105r/ Qui enim uult uitam suam diligere et uidere dies bonos . coherceat linguam suam a malo . et labia eius ne loquantur dolum . Declinet autem a malo . et faciat bonum . Inquirat pacem . et persequatur eam . Quia oculi domini super iustos . et aures eius in preces eorum . Et iterum dicit . Cum autem apparuerit princeps pastorum . Id est mundi saluator . accipietis uos floridam celestis glorie coronam . Et ideo subiecti estote . senioribus uestris . Omnes . enim in inuicem . quietam humilitatem induere debetis . Quia deus superbus resistit . humilibus autem dat gratiam . Humiliamini ergo sub potentissima manu dei . ut uos exaltet in tempore uisitationis sue .

Omnem sollicitudinem uestram proicite super eum : quoniam ipse curat de omnibus . Sobrii estote et uigilate . excitamini et expergiscimini . quoniam diabolus . aduersarius uester sicut leo rugiens circuit querens quem deuoret . Cui resistere debemus fortes in fide . ut uincamus eum . Et iterum dicit . karissimi . Estote prudentes . et uigilate in orationibus . ante omnia autem mutuam in uobismet ipsis caritatem continuam habentes . quia caritas opererit multitudinem peccatorum . Hospitales inuicem . sine murmuratione . Si quis loquitur . quasi sermones dei . Si quis ministrat . tamquam ex uirtute quam administrat deus . ut in omnibus honorificetur deus . per iesum christum dominum nostrum . Haec et multa his similia predicauit beatus petrus apostolis . post passionem et ascensionem domini nostri iesu christi saluatoris mundi in multis regionibus et partibus terrae . qui postea quidem passus est in roma tertio die kalendarum iulii . sub nerone imperatore urbis rome trigessimo septimo anno post passionem domini in hierusalem . sub pontio pilato et tiberio imperatore . Factum est autem dum duceretur idem petrus apostolus ad crucem .

Repletus est gaudio magno et dicebat . Non sum dignus ita esse
/105v/ in cruce sicut dominus meus . qui de spiritu sancto conceptus est . Me autem ex li
mo terrę ipse formauit . Ita ergo crux mea et caput meum in terris
debet ostendere . At illi statim uerterunt crucem . et pedes eius
sursum confixerunt . Manus uero deorsum . et dum esset
petrus in cruce . uenit ad eum turba multa maledicens cesa
rem . et fecerunt planctum magnum propter eum ante crucem .
Petrus uero exortabat eos suaue de cruce dicens . Nolite fle-
re sed gaudete mecum . Quia ego hodie uado parare uobis locum
in regnum caelorum . Et cum hoc dixisset ait . Gratias tibi ago iesu
christe pastor bone . quia oues quos tradidisti mihi compatiuntur
mecum hodie . Ac sí dixisset . Qui sunt quidem numero non centi
septuaginta octo . peto namque ut participentur mecum de
gratia tua in sempiterno seculo . ut simul regnemus simulque gau
deamus in regnis caelestibus . Te donante iesu christe . qui cum
patre et spiritu sancto uiuis et regnas deus . per omnia secula seculorum . Amen .